

Հանդիսավոր արարողությունից հետո նորընծաներն ուղղվում են դեպի վեհարան, ուր Ամենայն Հայոց Հայրապետը իր հայրական օրհնությունն ու խրատներն է քաշխում նրանց, ցանկանում տեսնել Հայ Առաքելական Սուրբ Եկեղեցու արժանավոր սպասավորների շարքում՝ որպես Աստծո և ժողովրդի հավատարիմ ծառաներ և «Մշակք առանց ամօթյ»:

Տ. ՆԵՐՍԵՀ ԱԲԵՂԱ ԽԱԼԱԹՅԱՆ

(Ավագանի անունով՝ Արմեն)

Ծնվել է 1972 թվականին Թբիլիսիում, ծառայողի ընտանիքում:

1979 թվականին ընդունվել է տեղի թիվ 109 միջնակարգ դպրոց և ավարտել այն 1989-ին: Նույն թվականին էլ ընդունվել է Մայր Աթոռ Սուրբ Էջմիածնի Հոգևոր Ընտարան և 1995-ին ավարտել լրիվ դասընթացը:

1995 թվականի հոկտեմբերի 22-ին, ձեռամբ Անանիա եպիսկոպոս Արարաջյանի, ձեռնադրվել է սարկավագ: 1995 թվականի հուլիսի 11-ին պաշտպանել է ավարտաճառը՝ «Գրիգոր Խլաթեցու կյանքն ու մատենագրական ժառանգությունը» թեմայով և արժանացել «լավ» գնահատականի:

Որպես տնօրեն՝ պաշտոնավարել է Ալեք Մանուկյան Գանձատանը:

1996 թվականի նոյեմբերի 24-ին, Ամենայն Հայոց Գարեգին Ա վեհափառ Հայրապետի հրամանով և ձեռամբ Գարեգին արքեպիսկոպոս Ներսիսյանի, ձեռնադրվել է կուսակրոն քահանա:



Տ. ՄԱՇՏՈՑ ԱԲԵՂԱ ԺՈՌՈՅԱՆ

(Ավագանի անունով՝ Մուշեղ)

Ծնվել է 1968 թ. հուլիսի 25-ին Արարատի մարզի Փոքր Վեղի գյուղում: 1975-85 թթ. սովորել է գյուղի միջնակարգ դպրոցում: 1986-88 թթ. ծառայել է խորհրդային բանակում: 1989 թ. ընդունվել է Ս. Էջմիածնի

Հոգևոր Մեմարան և 1995 թ. ավարտել լրիվ դասընթացը: 1995 թ. հոկտեմբերի 22-ին, ձեռամբ Անանիա եպիսկոպոս Արարաբչյանի, ձեռնադրվել է սարկավագ: 1995 թ. հուլիսի 11-ին պաշտպանել է ավարտաճառ՝ «Կարապետ եպիսկոպոս Տեր-Մկրտչյանի կյանքն ու գրական վաստակը» թեմայով, և արժանացել «գերազանց» գնահատականի: 1996 թ. նոյեմբերի 24-ին, հրամանով վեհափառ Հայրապետի և ձեռամբ Գարեգին արքեպիսկոպոս Ներսիսյանի, ձեռնադրվել է կուսակրոն քահանա:



Տ. ԲԱՐՍԵՂ ԱԲԵՂԱ ՓԻՆԱՎՉՅԱՆ

(Ավագամի անունը՝ Հարություն)



Ծնվել է 1971 թ. նոյեմբերի 29-ին Էջմիածին քեղաքում: 1978-89 թթ. սովորել է Էջմիածին քաղաքի թիվ 9 միջնակարգ դպրոցում: 1989 թ. ընդունվել է Ս. Էջմիածնի Հոգևոր Մեմարան և 1995 թ. ավարտել լրիվ դասընթացը: 1995 թ. հոկտեմբերի 22-ին, ձեռամբ Անանիա եպիսկոպոս Արարաբչյանի, ձեռնադրվել է սարկավագ: Դիպլոմային աշխատանքի նյութն է եղել՝ «Հայ Եկեղեցին և սփյուռքահայության հայրենադարձությունը 1946-48 թթ.»։ 1995-96 թթ. աշխատել է Բրիտտոնեական Դաստիարակության և Բարոգչության կենտրոնում: 1996 թ. նոյեմբերի 24-ին, հրամանով վեհափառ Հայ-

րապետի և ձեռամբ Գարեգին արքեպիսկոպոս Ներսիսյանի, ձեռնադրվել է կուսակրոն քահանա: